

# JEMEN MAGNOLIA EKABWILŌN LŌN

Jān MaryEllen Johnson  
Van Engelenhoven  
(Pedped ioon juon  
bwebwenato emjool)



*"Jet ajri raar ba kōmij jab juon baamle emjān  
kōnke Jema ekar jab juon membōr in kabuñ eo am."*

Bwebwenato in ekar bōk jikin ilo USA.

"Magnolia! Lily!" Baba ekar  
Likkūr. "Tien nān jeje ko  
rekwojarjar im jar!"

Magnolia ekar jijet ioon būloor  
eo turin kidu eo nejier, Raindrop.  
Lilly ekar libobo ilo būlañkōj eo an  
emjān tata.

Iien riit jeje ko rekwojarjar an

baamle ekar kamōñōñō. Jet iien rej  
kōmjan kōl kōn bwebwenato ko  
an jeje ko rekwojarjar ippān doon.  
Ekar jipañ Magnolia pijaik bwe-  
bwenato ko. Koba, Raindrop aolep  
iien ekar jipañ ke ekar wōr menin  
mour ko ilo bwebwenato ko!

Baba ekar kōpellōk jeje ko

rekwojarjar an im riiti juon eoon.  
Innām ekar jakeļok nān Magnolia  
Baibōļ kilelep im eddo eo. Raar  
kajjojo bōk koñaan doon ilo riit.

"Im kwomwin jouj nān doon,"  
Magnolia ekar riit.\*

Ekar mejen illu. Armej raar jab  
aolep iien jouj nān e ilo mōn jar eo.

"Māma, Baba, imaroñ ke kōnono ippāmiro kōn  
juon men?" liin ekar kajjitōk.

"Aaet," Māma ekar ba. "Ta ñe?"

"Ilo Būraimere inne, jet ajri raar jiroñ eō jejab juon  
baamle emjān kōnke Baba ejjab juon membōr in  
kabuñ in ad."

Jemen Magnolia ekar uwaan juon bar kabuñ. Ekar  
ilōk nān kweilōk in kwojkwoj eo ippān baamle aer ilo  
Jabōt ko. Ekar kōnono kōn Jetōb Kwojarjar ilo peptaij  
ko an Lilly im Magnolia. Aolep raar ba ekar kōmjan  
juon jermal emjān. Ekar juon baba eo ekabwilōñlōñ.

"Ta eo raar ba ekar kōmjan aō kōñaan jañ." Mag-  
nolia ekar mōtato. "Etke armej ro raar lukkuun in lāj?"  
Māma im Baba raar kalimjōk doon.

"Ij mōñōñō bwe kwar jiroñ kōm ta eo ekar waļok,"  
Baba ekar ba. "Māma im nā kōmro ej lukkuun iakwe  
doon. Im baamle eo ad ej lukkuun aorōk nān kōmro."

Māma ekar emajidjid. "Im baamle eo ad ej aorōk  
nān Jemedwōj Ilañ barāinwōt. Ej iakwe aolep ajri ro  
Nejin."

Raindrop ekar koboobōļok ippān Magnolia. Liin  
ekar kirūj lojiliñin.

"Jemedwōj Ilañ ejeļā kajjied, im E ejeļā jej iakwe  
doon," Baba ekar ba. "Ejjeļok baamle eweppān, bōtaab  
jej kajjieoñe ijo emjān tata ippād."

"Bōtaab ej kōmettak wōt ñe armej rej ba men ko  
rōlāj kōn baamle eo ad," Magnolia ekar ba. "Jisōs  
Kraist eaar katakin kōj nān jouj nān ro aolep. Ba men  
ko rōlāj ejjab āinwōt ļoor Jisōs."

"Kwōjimwe," Baba ekar ba. "Bōlen ñe kwoj kōñaan  
ba juon men elej, kwomaroñ keememej ekōjkan aļ  
kar eñjake ñe ro jet raar lāj nān kwe. Innām kwoma-  
roñ ba juon men eo ejouj ijellōkin."

Magnolia ekar bōk kūtuwōn eļap. "Emjān." Liin  
ekar mōñōñō bwe emaroñ kar kōnono nān jinen im  
jemen.

"Tien nān an baamle eo atbakwōj doon ilo juon  
kumi" Baba ekar kanōkļok Lili im Magnolia nān

\*Epesōs 4:32

atbakwōj kilelep im kar kanoj keen erro. Māma eo  
ekar atbakwōj erjel aolep. Raindrop ekar ettōr jepool  
aolep.

"Ijjab maroñ menono!" Lily ekar kōmjan kōjak.  
Magnolia ekar ettōñ.

"Kiiō ekakeememej eō—an wōn iien in nān riit?"  
Baba eo ekar kajjitōk. Ekar kōtļok leddik ro im kotak  
jeje ko rekwojarjar an.

"Aō iien!" Lily ekar ba. "Im ej an Baba iien nān jar."

Ke ekar dedeļok aer riit, aolep raar bukweļōlō nān  
jar. Magnolia ekar eñjake aenōmjan ke ekar roñjake  
an Jemen ba jar eo. Liin ekar jeļā bwe Jemedwōj Ilañ  
ekar iakwe baamle eo an. ●

